

仿

潛

齋

詩

鈔

仿潛齋詩鈔卷十

趨朝集

光州 李嘉樂 憲之

四月十九日移寓本街南頭

高聳槐雙樹低遮屋數閒遙看似車蓋難得近柴關我
取人先棄心清境自閒莫嫌湫隘甚依舊枕西山
助僕抱琴書無煩更借車四鄰仍舊識數武卽新居地
僻饒甜水情多戀故墟晨昏勤洒埽吾亦愛吾廬

懸匏廬舊額於廳事

人生到處都如繫四顧新廬又一匏大海濤聲猶在耳
不容易得蓋頭茅

屋後闢一窗正對西山下臨花圃喜極有作

都城無夜不防賊厚其垣墉益加密我門向東山在西
屋後奇峯跳不出穴宮楚有閨公陽偶一效之計良得
指揮巧者闢後窗嵌以頗黎無雕飾居然眼界放光明
遠岫森森相對立山靈似爲悅己容各聳煙鬟不肯匿
腐儒於世百無能自矜傳得移山術朝晴暮雨幾回看
疊嶂層巒一時集快心拍案忽狂叫長安萬戶誰能及
彼蒼憐我背青山亦似朱門疎促膝俾以今生識太行
清光耿耿填胸臆眼前點綴景都佳蕭寺葦塘望無極
縱使穿箭半夜來畢卓甘甯願相識若無渠邱恃陋心

安得宗炳卧遊室窗前況有灌園翁秋圃丹黃好顏色
我不買山爾賣花都是天生非人力

後園有室額曰野人家新築土几時與家人共飯

槐樹下

鑿坏眞箇野人家自拾枯枝自煮茶新綠陰中間意趣
輒紅塵裏冷生涯三餐團坐妻兒女兼味紛羅瓠韭茄
熱客不來欣獨醉閉門未覺是京華

京寓字紙雜詠

俸票

片紙相沿舊制精斗升品秩並詳明此中有字飢堪煮

惟士無田祿代耕食粟尙須操左券分金兼可抵奇贏
米折盛時何用腰頻折氣節從知要養成

房摺

縱教賃廡亦催租摺疊痕新豈可無百口保卿勞市井
摺用鋪保兩頭屈我寄妻孥浮家乏術成三徙賜第何
欠租責償年得一區笑及肩牆礙眉戶依然市月迫追呼

錢帖

五銖成貫重難挑准折全憑字一條轉惜飛蚨空費血
卽逢瘦鶴易纏腰錢神合仗靈符畫紙貴仍防贗本描
白鏹有時同此例取攜又比孔方驕

館券

酒家只恐酒人稀
適館留賓緩緩歸
席散纔教書醉墨
朝回不惜典春衣
每逢佳節門前立
重認塗痕紙上飛
焚券馮驩何處去
後來食客更誰依

門簿

歲朝名紙滿門閭
方過春風客已疏
如市休援相見禮
閉關却異絕交書
人前留此題凡鳥
事後憑他飽蠹魚
爲誠司閭勤執筆
尙多長者肯停車

知單

吉凶赴告萬家稠
到處書名闕未休
執紼方爲東郭弔

稱觴又解北堂憂誰教紙筆憑傳語可惜風塵尙應酬
老不往來思上古結繩豈復廣交游

用帳

米鹽瑣碎酒醯繁筆底分條不憚煩豈比陶朱家可富
本非桑孔利能言一縑一字心猶市千日千錢弊有源
冷案孤燈親手記每隨詩草共掀翻

報條

木紅紙列字欹斜糊向門旁氣頓華此輩稱名宜喜鵲
無端書法愛塗鴉差償白首爲郎苦便作青雲得路誇
結伴疾呼頻索賞只愁聒耳惱鄰家

考差以銷假逾期未與自慰

藝苑重考差先期核員數乞假限歸期雁後花前赴若
逾季冬月勢難驥尾附雖未責防風塗山逢彼怒但似
數駒支嘉會不得與省親我後期還朝時春暮只堪舞
雩風未許登高賦人皆惜向隅獨不妄生慕回憶三戰
年一遇兩不遇待免獲效虛禱馬吉神護丁卯癸酉均不得差庚午
考得徒令望眼穿未履輶軒路今超得失林頗有旁觀
會房趣同館簪筆忙我懷如平素明年屆正科或戴使星去

自嘲

十年又得近神山舟遇回風輒引還兩度殿前同作賦

看人超出眾仙班

千有餘篇齊進御漢皇最愛讀凌雲築壇本爲無雙士
愧少雄才震一軍

或聘予爲西席不就

貴胄偏能覓腐儒此生幸免硯田俱士如畫餅空千世
我欲溫經懶授徒問字應來揚子宅聘珍笑謝霍家奴
尋常雅集猶思避何況朱門是畏途

自遣

畢竟蓬萊境是仙還餘祿米助炊烟太康士負清閒日
平進官多冷澹緣懷刺何堪趨馬廐請纓未若抱蟬編

亦非檇櫟甘拳曲繩墨相尋或偶然

答客問近狀

天機清妙處無事用商量早睡緣宵短加餐覺晝長
喧嫌門近市寂盼客登堂隨遇安吾分年華易坐荒

喜香谷自陝西還京

去年結伴策征騑汝自參軍我自歸別後分途游海嶽
客中末路是京畿也知鶩鳳難棲棘還望驂騑勉受韉
深羨興豪腰腳健喜從險處陟崔嵬

君登華岳絕頂

晚步黑窯廠

時向幽偏境一行蕭然景物慰閒情斷雲開口雨吞吐

高樹掉頭風送迎連歲客懷堪獨喻此閒野趣是天生
絃歌誰設江亭譙車馬喧闐稱玉京

同香谷邀周子謙比部

益作詩鐘於野人家

舊游星散復來歸重整騷壇興欲飛鉢韻鏗鏘催手筆
詩材細碎關心機花閒烟淨茶香熟樹底風涼酒力微
指點教人行樂處開窗亂塚立斜暉

與鄔筱山李蘊齋王介艇丁巡春諸編修會課

嬾結人間翰墨緣聯吟高會玉堂仙斯文風氣方趨下
我輩功名總聽天難得鄉情都契合須知時藝亦流傳

荆山尙欲來同社看是誰先著祖鞭

謂唐春卿編修

錚兒病香谷醫之而愈

兒生方兩年氣血介強弱仲秋方六日寒暑忽爲虐驚
掣手足疲薰蒸肺腸灼京國醫多庸了不知脈絡待斃
冀救援全家皆駭愕頓念登嶽人近方釋芒屨儒醫不
苟同病源耐尋索檢書得古方叅意用良藥沈疴有轉
機如物初解縛調理慎防閑微軀猶瘦削兒命竟苟延
天心費斟酌君倘留戎幕誰與寬困約我如駕星輶誰
與堅付託凡事皆前定大智不穿鑿有私第五倫幾至
錯一著

飲酒

西風吹冷客心孤
消遣閒時酒一壺
百卉經秋都結子
斷鴻叫夜願爲奴
物情榮悴如人事
天意蒼茫困我徒
自惜書生無用處
他年史傳恐模糊

引見後大病

御史缺出例帶前列三名引見不到者候處分

兒愈我還病
頻來二豎纏
安心聊度日
努力尙朝天
門峻登龍晚
臺高繡豸鮮
廩車防吏詰
或可歷災年

賊穴壁驚覺
僅竊韞去戲作

誰甘結韞怨
疏狂徒擾寒
宵夢一場梁
上無煩教鑿壁
不因餘火况
偷光

空空一擊翻
然去彼亦人
閒韞綫才留
得青氈吾故
物

何妨赤腳雪中來

哭楊芸閣比部

秋曹潦倒病難興十七年來苦不勝
龍性難馴方習懶
蝸居雖窄愛攜朋讀書僅作清談助
吞藥還愁舊債增
痛惜無家惟友殯臨終趺坐影如僧
忽自起趺坐而逝
于與香谷親見之
十二月十二日補福建道御史

改官又荷

聖恩宣回首芸香俸十年驄馬有時開
道路盡魚無命
作神仙手修史傳新編竟骨鍊風霜舊日堅
砥礪半生
償夙願萬言書奏九重天

買車

短轅猶是故人餘賤值堪酬勞竟書

僕售芸閣車贏從子以十金易之

此東華風月夜趨朝不患出無車

丙子元旦

朝參事畢酒徐斟吹面東風又一臨朋偶寄金僅色喜
春頻改歲客愁深預儲疏草丹心勵常夢慈闈白髮侵
意薄上書蘇季子只因裘敝返山林

春寒

宦久詩情減春寒酒量增輜軒同學貴粗綬異途矜隱
患誰先覺奇才未可憑孟嘗今已渺甘效客無能

書懷三十首再用鐵琴山人前韻

七尺軀螭一畝宮生涯可惜付飛蓬
陶情偶爾招今雨處事如余慕古風
眞率性方歸踏實縱橫家每喜翻空
長安走馬雖容易效鳳依然倣鵲蟲

掃盡尋常芥蒂胸官場落拓坐疏慵
大言賦就詞成鏜小技羞談試及鋒
起舞雄懷雞五夜行吟雌伏蠹三冬
前程黑漆誰能識猶望功名上景鐘

百家著作語紛囀供我掀翻坐小窗
樓比登天箋造五船稱下水漿飛雙鬢
心空爲高歌擊警耳鐘如善問撞
風雨名山曾尙友休驚陸海並潘江

世情閱歷險如夷日久聞香室裏芝戒守丹書期少過
神交青史關多疑名賢理境參三昧廉吏家風懷四知
賸有孫吳難盡讀敢言才大不逢時

怡情魚躍與鳶飛心靜深知命理微可有堂開名是是
曾無屋漏想非非斬蛟勇力鑒文陣捫蝨高談解議圍
閉戶何妨多歲月當年張鷟夢衣緋

桑弧憶祝我生初誰料仍乘下澤車此際長卿呼美酒
何時老父授奇書鞭開道路慚驚馬絨達關河渺鯉魚
幸值昇平文物盛寄居亦可愛吾廬

松菊逍遙徑未蕪理財豈解計租銖綃緣或指三生石

記事應拈一串珠
李白酒酣吞力士
樵青茶熟奉狂奴
昂頭天外心無著
羨煞壺公賣藥壺

駿足馳驅竹耳批
記曾行色壯蓬藜
德衰舉世悲歌鳳
年少鍾情戒鬪雞
沒羽有時摧虎石
關心何處印鴻泥
詩吟出塞精神振
長鋏隨身旦暮攜

漢江浪擁旆旌排
射策軍門願易乖
喜共新知披竹簡
不將舊夢戀芒鞋
拔茅幸許依千厦
建樹空期進一階
鐵馬金戈緣半載
楚氛甚惡走天涯

戰場躍馬志休頽
望裏山川劫後灰
膽氣飛揚凌玉塞
角聲嗚咽訪金臺
賊窮指日潛蹤去
民困臨風灑淚來

目覩伯牙遺跡在知音千古沒蒿萊

霜飛萬竈夜然薪小住軍營亦夙因
涑水憐兄寒月魄豫章省父仗風神
食尋李下誠廉士歌起蘆中定異人
宦久高堂歸故里頓思負米樂清貧

歸來季子惜陰分問陣從茲廣見聞
時事心寒空耀武儒生耳熱且論文
苦吟早印千川月甜睡遲看萬壑雲
到底閒中多靜趣境清何用妙香焚

椿萱雙茂絆羈魂笑舞萊衣燦彩痕
日晷愛深臨爾室天倫事樂萃吾門
奔波道路遨遊悔逝水年華喜懼存
縱博科名疏侍奉不如嘯傲浣花村

高擁書城孰共觀依依弱弟最相安
尊聯樓上輝難掩
草秀塘邊夢不寒
旅館暫教行斷雁
名場每勵序排鸞
十年親督晨昏課
駒隙青春未肯寬

靈均有姊隔江關
妹比班昭稿共刪
微雪絮吟歡聚首
大雷書寄遠開顏
結縞薄命差相似
分袂多年尙未還
爭得遄歸圓骨肉
也如總角味清閒

故園佳趣口難傳
福地娜環業可專
寫意言真同說鬼
讀書味豈異升仙
骨妨俗累須求艾
胸養清機自愛蓮
那識希夷當日事
戰爭未罷竟高眠

茫茫天海舌休饒
舊有吟魂暗裏銷
不喜詞源揮麈尾

尙慚詩稿載牛腰心疑出岫雲羣觸目覩歸船雨亂跳
妙景當前無所慕五陵年少鬧笙簫

典記休將腹笥嘲終朝函丈許推敲爲嚴禮數忘風雪
恐負時光逐水泡卷卷奇書觀卓犖硜硜故見掃礪碣
師門屈指皆名士刪改文成手自抄

濁酒狂歌興極豪鈞天樂欲聽雲璈得朋誼似枝枝附
酬世時嫌草草勞曲奏瑤琴期賞識交聯鐵硯待薰陶
多聞詎肯安孤陋三益相望徑翦蒿

江山陳迹舊吟哦燕趙生成慷慨多子夜猶聞歌碧海
兒時曾記渡黃河名珍沒世皮留豹路阻還鄉足借駝

更識匡廬眞面目吳頭楚尾幾經過

纔觀朝暎又暮霞無聊意緒亂悲茄濟人孰立中流砥
結客難尋博浪沙左氏文章藏作癖右軍書法嗜如痴
年來漸得安心法窗外花枝爛漫誇

蜉蝣何事炫衣裳接物心含一瓣香倚伏無端徵失馬
紛歧有路感忘羊酒酣獨酌新豐市詩苦同吟古戰場
共榻祖劉爭起舞中原馳驟幾人忙

石隱還多約耦耕海疆暫靖孰關情紅牙謝絕看磨劍
赤手支持羨請纓魯縞勢窮猶挽弩吳鉤心壯待分羹
讀書萬卷因何事尙戀秋林景色清

喧傳伏莽不堪聽，缺斧東山雨罷零。
已竭壺漿攻曠日，難憑杯酒勸長星。
軍前一水公無渡，澤畔三閭我獨醒。
每念滄溟魚跋扈，濠梁那得學忘形。

性情容易露剛稜，塵海銷磨識見增。
季世威方矜夏日，先賢訓總懍春冰。
留心天下才分斗，寄跡人間膽似升。
兀兀窮年眞迅速，繫將駒影少長繩。

時局澄清意未休，談兵杜牧暗含愁。
用材莫更求人備，建策還當責己周。
世待轉機隨將帥，權能造命望王侯。
詞章報國書生事，豈羨登仙擁八驄。

遊秦失路盡黃金，寂寞風雲落日沈。
賦奏長楊慚學淺，

夢縈細柳感懷深繞廬周走餘悲憤擊節商歌愛朗吟
近與拾遺官不異詩篇傳寫古猶今

面壁功深坐石菴蒲編對我味回甘嘯歌也貴心無二
辨說徒聞耳有三負負連呼因寡識行行且止莫多談
陰符何足終身誦萬事徐從靜裏參

排日奚囊有句添邯鄲道上夢頻甜史繙白屋懷先壯
經寫黃庭課亦嚴火色薦肩羞肉食春冰虎尾慎臺拈
何當身事酬粗定更把禪心向絮沾

蘭臺高處俯塵凡萬里風清透葛衫蔓草荒烟辭短棹
梅花明月謝長鑱從龍未許卑莘野圖象從知慕傅巖

仿潛齋詩鈔

卷十

誓再讀書兼養氣一條冰不負頭銜

讀南疆繹史

十日揚州戰血鮮新聲樂部正朝天可憐餘運福王一
讓與梅花墓萬年

遺臣曲計思完髮餘賊鳴威喜剝皮犴鳥蠻花雨淒絕
也曾迎輦到河隄

厓山結局復相同閩粵流離作寓公太息孤臣雙血淚
對天灑向海門風

死報前明養士恩終邀旌典俗常敦殷頑不悟周新命
紅袖縉流總怨魂

仿潛齋詩鈔卷十一

使粵集

光州 李嘉樂 憲之

丙子閏五月十二日奉

命充廣西副考官次日午門前謝

恩恭紀二首

御筆僉名

帝澤深皇華四牡驅駸駸十年舊俸叨芸館萬里清風
動桂林盛世威靈龍虎節高科文字鳳鸞音微臣稱職
無他術仍仗冰壺一片心

南征倦鳥昨飛還今喜乘輶化百蠻足繭半留天下跡

眼波又看粵西山材搜梧柳千巖外詩在湘灘二水間
更望歸程將母日咳蘭稍慰鬢毛斑

擬差竣日
乞假省母

十七日大雨

去年仲秋六日雨距今三百有十日北方耐旱終不支
老農坐守枯苗泣我行萬里畏驕陽愁對道旁人骨立
傾盆大雨五六時萬朽俱蘇伊誰力始知久晴非天意
補種秋禾徧黍稷微官敢道憂民憂便爲身謀此亦急
奉使終年始克歸妻孥一飽差堪必友人設饒且踏泥
那怕行裝衣盡涇

二十四日偕朱石峯編修

文鏡出都

西山著意疊烟嵐樹色蕭森水氣酣回首國門三四里
雨餘風景幻江南

晚宿良鄉

縱橫穀穗鬱青蒼小住畿南第一鄉時雨同聲歌帝力
農夫歡喜我清涼

涿州偶成

廟貌桓侯壯樓桑氣鬱蔥君臣共閭里屠販起英雄人
顧草廬雅字銘刁斗工涿州重駐馬再拜仰遺風

宿北河謁楊椒山先生祠

三百年宗社權奸積禍深青詞矜相業白簡奮臣心戰

馬前朝市神龍何處尋
鈴山堂在否遺臭早銷沈

尖涇陽驛屋甚朽敗石峯先至觸其氣幾病作歌

慰之

涇雨生霉土窗暗涇陽驛前弛負擔幽氣陰森巧中人
室不高明鬼亦瞰同行微疾本偶然僕輩無知生畏憚
我能續作正氣歌縱有疑團立剖斷溽暑南征瘴癘鄉
戒心終日恒居半前車覆轍豈足驚

上科陸君道卒

忠信波濤

可無憾古賢遷謫尚怡然何況星軺光璀璨口銜詔命
振風雷天地復旦氣平旦寔安醜毒隔下居五日長安
愁不汗置之死地而後生兵法部勒心休亂火風融融

夾日飛天學嵇康性好鍛鍊作銅筋魍魅逃萬里生還
成鐵漢友聞斯言意釋然呼僮侑我爵無算午餐笑指
望都行奕奕神光熾如炭

定州

飛沙作雨灑城關蔓草連天障市闌剩有一拳奇石在
千秋雪浪照中山

六月朔日抵新樂縣和亡友蕭仁庵比部壁閒韻
蕭郎墨蹟認斯廬文字論交憶上都我始乘軺君已逝
果然天道阨吾徒

附原作

蕭麟德

中元四日別吾廬屈指中秋達 帝都客路者番逢

二妙一強項令一囚徒

自注癸酉八月奉母入都遇何春岩以知縣分汴遇胡汝

臣自成所釋歸

示以詩集云云

至正定府崇因寺題觀音閣

禪關暫駐登臨壯傑閣崑崙壓郡城畿輔南來平野闊
太行西抱塞雲橫風前高樹秋先覺雨後遙天氣廓清
七渡滹沱成底事浪聲沙迹最分明

樂城懷古

三蘇高宋代一尉重樂城養氣言文字當官想政聲雷
州甘謫宦雨夜苦憐兄唐棣詩誰繼奇才有至情

趙州大石橋阻雨登閣觀舊題字

且與趙州茶橋邊又駐車仙靈俗附會舊迹字槎枒夏
潦程難定秋風信尚賒衝泥行役苦卻喜少塵沙

東尹村阻水小憩真原寺

梵宮創建溯隋皇紺碧今成瓦礫場重建碑書金大定
獨存殿讓魯靈光秫田半畝供僧粥草舍三楹上佛香
不識前津消漲未閒從古寺考興亡

沙河縣途次水深且廣例用水夫肩輿徒涉而身
有長短用力不齊將至傾側乃令長者舉杆短
者承底勞逸既均衆亦悅服戲紀以詩

往歲沙河常不雨沙深沒車無寸土今年沙河雨太多
水深無舟途更苦縣官利速使者行數十水夫供予取
身非布帛長短同體既參差力難努輿中人代出奇謀
長狄矮張各爲伍聳輿杆用今曹交戴輿底用短主簿
經調劑後兩得平既不仰企兼不僂如百足蟲浮水中
免欹斜賴齊步武破浪橫行足有音中流小立氣頻吐
許以犒貲勞以詞滅頂猶堪百鈞舉頃刻達岸險如夷
衆夫亦愛吾不腐雖殊折葦渡長江聊可搏人希上古

渡洛河

黑夜傾盆雨不休洛河濁浪抱關流烽烟久已邊防撤

溝洫誰將水利修
麻炬然燈難照路
柳條編筏代行舟
同官遙羨乘槎好
豈信艱危歷道周

題盧生祠

往返祠前今七度
頗思超悟出風塵
那知傳食臨郵舍
依舊黃梁夢裏身

此行人盡比登仙
真箇登仙卻少緣
漫薄公侯無足數
勳名不朽也千年

邯鄲

曠野斜暉抱遠城
邯鄲憑弔古時情
因人成事趙盟楚
奇貨可居呂易嬴
六國驅除歸漢幟
百家游說釀秦阬

世間還是神仙易只向黃梁夢裏行

杜村北十里車騎關相傳楊七將軍所守土人祀之

關隘俗傳楊業子里居人重杜喬鄉豐年父老閒無事
秋樹根前話一場

磁州城下晚眺

紅是藕花青是柳高爲城郭下爲湖愛看河北佳風景
全仿江南舊畫圖十里秋光環睥睨一川水氣盪菰蒲
征鞭小駐應相問如此烟波幾釣徒

宿豐樂鎮

旱澇頻年地廢耕
畿南萬戶望秋成
無端耳畔聞豐樂
不爲同鄉也動情

宜溝驛

蕩陰黯黯起風雲
懷古重來對夕曛
慘淡衣冠侍中血
精巖壁壘岳家軍
朝廷忽小千秋恨
忠義雖艱百代聞
寄語海濱諸將帥
好修武備策奇勲

新鄉小吉寨過故友杜榮三太守

來錫

之門悽然

有作

春闈回首共琴尊
盼我乘輅一過門

辛未同分校日君云放南省差必過

其門五馬還鄉新鬼大
隻雞爽約故交存
職清屢擬絲綸

制書妙真無筆墨痕

君直樞垣以書名放朔平府卒於家

都下驪歌猶在

耳高風已作古人論

滎澤口渡河

滎澤風迴兩岸秋
布帆安穩渡黃流
狂瀾善徙奔千里
奇策難行棄數州
歲擲金錢中國患
民營巢窟聖人憂
旅懷輾轉難成寐
枕上河聲吼未休

過鄭州爲孫師竹觀察

欽昂

賈仲選太守

萬青

郭

仲畝吏部

介田

分寄家書口占

平安傳語怕沈浮
岡路如環出鄭州
客久時時添別趣
今朝專作寄書郵

自鄭州至新鄭行深溝中僅容一輿旁皆土山壁
立俗呼夾山溝約百餘里乃盡

溝旁峭壁列峻嶒擊轂旋轅兩不能天露微光如坐井
人愁深谷未爲陵渡河陡覺平原狹設險幾同武備增
遠望連村多夾寨當年困賊助揚鷹

自許州至臨潁道中作

許州兩舍來臨潁落日平疇一望開地下已醒三馬夢
囊中欲起八龍才前驅負弩遙相望往事擔囊大可哀
連日經行昔年鄉試之路取道微榮稽古力邊隅著眼拔真材

過螺河舊館爲昔年阻雨處

十六年前路泥中躡屨忙竹林宵斷酒薯蕷曉充糧

同小

川叔資衰足霖三日回頭夢一場乘輶門外過驛柳耐

炎涼

西平縣題壁

不識西平縣征車始一來鄉音淮北近秋色汝南閑骨

肉緣長在

昂軒叔在
遂平授徒

風塵念早灰白雲望親舍歲臘喜

重回

抵遂平與昂軒叔夜話

書聲蓮幕裏臣叔本非癡各把塵容認相逢客路歧萍

踪杯酒合絮語燭花知努力文章事秋風一戰時

駐馬店壁書數語極言隱士起居之適率題

郵亭名駐馬店小亦清涼薄醉茅柴酒高眠秫稗牀誰
書招隱語我得養生方一覺還行役詩成又夕陽

確山戴鐵珊大令

文海

出冊索書爲題長句用冊

中黃枚岑庶常和韻

驛路新秋爽氣生

是日立秋

花封地靜撤矛英

前月鄰有匪警

詩人

爲政無難事仙吏憐才有至情

吾鄉介樞巡鄉諸太史皆從游

乘興刺

舟來訪戴論交傾蓋得逢程徑思借讀牛腰卷酌酒焚

香一快評

明港驛卽景

門對荷塘暑不侵，彎環村路隔深林。
老牛揩痒翁酣睡，都趁高槐一樹陰。

信陽州寄家書與笙堂並勗以詩

我未乘輶君下第，牢騷詩句詠頻年。
桂林已覺持衡晚，梁苑還期拔幟先。
應舉文章爭絢爛，傳家科第起聯翩。
棘闈屈指中秋月，兩地相看一樣圓。

終夜大雨次日未行題館壁

雲山繞串息烟雨，接光黃南去皆秋色。
東行卽故鄉迎，館外有獅仙閣冷。
按粵使星忙將母詩人意，旣征竟未

遑

晚眺河干水勢愈大

萬壑流泉就下行
潞河新漲兩隄平
竹篙刺水深無底
秧鼓連村震有聲
人祝豐穰欣得雨
客愁濡滯欲占晴
來朝霽色開芳甸
我與田家各慰情

偕石峯登凝澗閣

一寺臨河岸相看覺有情
鄉音僧共話古蹟客閒評
橋板停人渡廊積板橋水涸始用燈花倚佛明
問津道旁叟驚指大波生

憶笙堂弟

路僅離鄉二百里
勢難迂道九回腸
凝澗閣外蕭蕭雨

竟未邀君一對牀

冒雨行六十里至李家寨

雨猛多奇景雲奔少定形山盤沙路白水灌稻畦青竹
箭綠成海槿花紅幾星籃輿幽賞足總覺異飄零

武勝關爲豫楚交界

險道無人守承平時漸久青青夾道山見客齊昂首

廣水驛

一溪亂石列縱橫水被遮攔作怒聲難得嶙峋齊著力
留他終古在山清

再至小河司感舊

十五年前此駐車曾因賊警問官衙江鄉今爲蒼生幸
一路秋香晚稻花

宿楊店新修候館

庖湍安排四壁新古來八政重迎賓館僮笑說工初畢
北客南征第一人

和尚橋以僧募建得名感賦

石條穿插密無痕橋下翻波雨後渾可惜儒生疏遠略
卻將施濟讓空門佛稱寶筏應非幻政有乘輿不是恩
何事塗金工造塔流亡終未返江村

至漢口鎮住江蘇會館有小園頗佳

忽得園林勝孤亭額浩然池通江漢水花送夏秋天或
結三生契纔增一夕緣明朝武昌去訪古鶴樓邊

至武昌凌晨霄觀察

卿雲

餉茶吾州產也賦謝

家山茶一串雅貺不妨留烹以秋江水銷將客路愁詩

懷輕瘴海鄉味重光州張緒吾同里胡爲亦遠游

來字云吾

鄉張泉初祠部新
授廣西遺缺知府

七月朔日出武昌省宿東湖驛

新漲東湖驛沿隄更遠行水鄉如此好秋意自然生野
寺無拘束江城苦送迎風前一杯酒差喜晚霞晴

途中易輿爲騎至山坡驛

愛他一騎少紅塵雨後看山眼界新不是生平鞍馬慣
廉頗馬援亦常人

驛中芻豆庫中財卻向民間斂馬來徭役吞聲郵政壞
應官何處得龍媒

尖官塘驛卒詭云距蒲圻四十五里實六十里至
城已夜半矣

深宵奔命向泥中走卒偏能詭語工直到拔山人陷澤
始知田父誑重瞳

片言誤聽受人愚此輩安知賦白駒險阻備嘗心漸悟
名場躁進亦窮途

途遇驟雨

神龍生長深山裏，嬾聽人間頌禱文。
低處斜陽高處雨，陰晴只隔一層雲。

宿港口驛萬年庵僧道遠貽謔餘錄皆前此使粵

所題多和吳文恪公

士玉

原韻是夕大雨亦用

其韻

精廬讀罷謔餘錄，宵半頻聞雷雨喧。
風濤頃刻四壁擁，蛟龍十萬空中翻。
虛檐奔溜勢不止，晚稼霑足皆天恩。
向曉征輶欲遄發，雙溪新漲浸寺門。

庵有額曰歇心處，坐雨終日作此遣悶。

生平奔走江湖路欲歇此心惜無處佛門一笑見題額
方寸湛然逢厥故儒者心本異禪心要可借禪生妙趣
禪以清淨歸寂滅儒持定靜應事務功未深時養到難
倉猝閒覺把不住欲心常在腔子裏語亦虛空何所附
出入無時操則存孔門言心善依據否則憧憧擾擾場
安能到處殫思慮運用妙在具虛靈暇必息機戒旁騖
譬如彼蒼轉玉衡夜深豈復金烏馭勞勞人苦不自知
甌既墮地猶回顧僧廬夢覺驗心光芳草未歇我先悟

贈道遠上人

世苦浮生短斯庵獨萬年詩粗僧酷愛室漏僕酣眠村

店人雙屐山程馬一鞭羊樓回望處信宿總因緣

羊樓汎

楚南連楚北中聳成樓高舊籍憐三戶清時薄六韜陸
城誰保障水國此周遭遙指臨湘縣征夫敢告勞

雲溪驛

耐過連旬雨秋郊夕照明販茶饒土產打稻趁天晴農
力勤終歲山光抱遠城陰雲埽無迹昨夜尚雷聲

至岳州府以行陸路未得一泛洞庭

巴陵勝境洞庭湖陸地郵籤竟異途大好山川疏領畧
可憐與馬費馳驅遠隨鴻雁雲程苦靜想魚龍水氣蘊

預喜歸帆償夙願得聽湘瑟曲終無

宿青岡驛

轉瞬新秋度浹旬青岡路繞洞庭濱鉤窗山矮如窺客
揭幕風高漸爽人小句紀程聊自喜長途顧影向誰親
湖雲嶽雨從茲近愧乏吟毫代寫真

黃穀市早餐

初經黃穀市小飲碧筒杯訪勝瀟湘景鍾靈將相才南
疆兵事靖西域戰功開邑人多隨爵相左公從軍西陲愧我衡文職居
然萬里來

湘陰道中

草徑緣溪曲柴門倚樹高
碓舂新稻米棚縛舊松毛
雞柵低於几魚船小似刀
靜觀山野趣差可解塵勞

至長沙鄭紫垣大令

桂星

以關防未晤

咫尺關河限此身何堪一面客
前因問心自信無私謁
交臂偏能失故人訪友昔賢千里駕
論交吟社十年親
哀湘弔賈清秋裏翦燭同誰話
苦辛

中元日宿橋頭驛

千家野祭徧荒叢館舍淒涼四望通
斷碣低霑燐火碧
亂墳微閃紙灰紅
流亡慘淡湖湘劫
痛哭遺留屈賈風
爭怪他鄉增客感
松楸祀品幾時豐

益嘉澤大雨

四野晴暉頃刻收中途無地可容休
迫人急雨飛流矢壓馬濃雲裹大裘
晝境忽看衣出水征程直欲陸行舟
道旁閉戶殊堪羨一把茅原可蓋頭

黃茅司

湘水清如許池塘繞四圍孤撐苔石瘦
再熟稻田肥地闢黃茅盡天空白鳥飛
豐年猶米貴何以慰民依

衡山道中遙望南嶽

護湘關外衆山紛嶽麓遙遙射夕曛
我枉五千餘里路天開七十二峯雲
倚筇尚欲添新詠煨芋何從證舊聞

雁已北回我南去長征自惜太辛勤

衡州府城

假館容休沐姑遲一舍程馬前湘澤遠鳥外嶽雲平暇

日抄詩稿清泉考縣名

附郭清泉縣爲陳文恭公疏請分建錫名

妖氛聞未

靖莫再苦蒼生

聞南省有教匪

排山驛館植有芭蕉桂樹秋景頗佳

稻塍鋪石路欹斜便作官塘大路諺暝色銜烟蠻子國
秋光棲樹野人家新詩著墨書蕉葉宿酒薰香釀桂花
一夜排山安旅夢浮生默念負桑麻

宿大營市

岳忠武討李成師還駐此故名

我行公故鄉及茲駐師地南北數千里似爲公所致祁陽有廟碑中述公明志平賊耻言功願迎二聖至南渡宋偏安草竊窺神器楊太與李成湖湘日恣肆不有岳家軍此邦禍益熾土人慕精忠地名大營寺便說感私恩亦足伸清議故壘何處尋萬峯橫紫翠

過熊羆嶺上下均用緯夫持之

早發指祁陽先踰熊羆嶺直上三里餘曲盤逾峻挺輿底繫以繩數十人所秉上如階升天下如縋入井編易絕三韋御難止兩靽我危坐其閒時時朽索凜楚南信多石層巒成束筍絕壁白雲菴肅然罡風冷短碣贊朝

嶽邑中備一景久客歷諸艱捨身探幽境遙聞粵西山
奇崛過衡永恐如汲古深難得此修綆

孟公山書所見

未改徂榛俗西南道久通石龕神設教卉服古遺風野人
無笠戴脫粟連沙煮荒田仗火攻終憐情樸野教養易
草於首爲功

零陵境內有石城山鉤鉏潭皆未能至

遺蹟何從問水濱零陵山澤果超倫不逢謫宦難傳世
可惜高文出黨人盛代幸無遷客感嚴程卻異浪游身
南征鑒古情何限休失愚溪面目真

黃沙河入粵西界

黃沙河北岸粵界道初開逼近蒼梧野叢生紫桂材杜
門遊客避荷襪候人來巡捕官來迂照向章封門我再嚴儻約冰心
總不灰

全州

石子灣中路幽居水一涯市藏紅穀酒門對白蓮花僻
地無生客芳鄰有舊家征途吾羨汝從不識舟車

唐家市謁禹皇廟

四壁江聲禹廟新一龕兼祀愛蓮人又記周子濂溪光風霽月
賢希聖決漢排淮助有神憶昔辭家經癸甲惜今配享

缺庚辰過門不入尋常事窗草休嘲負好春

八日朔靈川早發與前例用監臨封條率賦

斷無關節通包老竟有巾車閉景宗卻喜蝦鬚窗不隔
好山一一碧芙蓉

閨中望獨秀峯

一峯似厭寰區隘走入蠻荒弄狡獪又似羞爭五嶽名
飛過衡山開別派拔地高撐五百丈恨不聳出青天界
探勝難將來脈尋逞奇那顧世人怪我聞桂林山水佳
此行未了三生債孰料閨中得鉅觀天爲勞人增清快
青霜落木益森嚴紺宇琳宮半朽壤關防游客不許登

惟我與山相揖拜文書遮眼批閱多引領茲峯輒忘倦
撤棘會凌絕頂來回頭試院成一芥

九月初三日揭曉

萬燭齊明照聚魁榜中五十一英才蛟龍得雨遊三島
桃李成陰第二回辛未分校春闈恐有遺珠沈桂海誰將片玉
到蓬萊他年不負賢書獻便作荒莊亦異材

新孝廉來見多知名士喜賦

來修相見禮著眼倍分明士氣邊方樸文心戰後平焚
香曾厚望畫餅莫虛聲自愧師資淺相期更遠程

贈同考劉明府

履安

掄元衣鉢孰能傳雪苑文章有夙緣門下登科人第一

風檐回首十年前

劉爲河南丁卯解元
今科榜首出其門下

撤闌後酬應極繁作此自慰

賓刺如紅葉秋深日到門邊才逢極盛友誼幸同敦傾
蓋交新擇酬詩稿待存此方風俗厚喜氣溢芳樽

重陽

滿城風雨客衣單北地關心候早寒拜疏剛陳瞻祀願

中丞代奏
乞假省母

又因兒女憶長安

廣西鄉試錄成敬題

簡末颺言力尚能職供文字益兢兢春風送上雲霄去

北嚮剛如雁一繩

或招郊飲遊山至則始知以天寒移樽城內矣以
詩調之

恐負青山約欣來綠樹村東坡招羈飯北海設空樽風
緊催移席秋高愛出門那知能耐冷坐久石猶溫

游七星巖

何處堪容屐齒橫奇峯似劍氣崢嶸攀蘿樵忽騰空去
渡澗雲翻向下行深竇吸風終日響飛泉灑雨半邊晴
洞天幽趣知多少訪勝難尋曲折程

風洞山

此地有山無不洞

粵語有云無山不洞

山以洞稱必有用入山不

知身在山疑是被風請入甕飄飄微響蕭衣裳三伏客
來色猶凍吹垢宜爲賢相占披襟差喜庶人共我聞荆
楚及南交都與此山相伯仲游蹤所至便覺奇遲留何
畏薄寒中移山思效獻曝忱撫此微涼殿閣貢山靈風
神似默許我將出谷猶相送

過瞿式耜張同敞殉節處

在風洞山

桂王宮殿草蕭蕭竟有松筠說後彫太岳貽謀猶勁氣

張爲江陵相之曾孫

危疆留守自清標旄頭影落收殘局箕尾光

垂壯勝朝盛代褒忠寬典在名留史冊永昭昭

贈楊慶伯方伯

丙子閏月吉賤子事行役使車發上都祖帳壯行色老
輩爲我言粵西有方伯名震御史臺文超翰苑集一一
謹誌之公譙光儀卽傾心未晤言識面僅拱揖揖別入
棘闈規模何整飭玻璃嵌明窗重茵煖坐席襄校感同
聲法制公所立爲憐披閱勞俾享起居適徵以前所聞
舉一可窺百詰嗣掇巍科臣叔同桂籍默念香火因不
禁愛敬積試畢過通衢論文榜朱墨慰藉下第人青衫
齊歎泣憶我落孫山無人爲解釋感此修謁儀快論傾
肝膈始悉公生平無一不奇特杏榜幾掄元芸閣總清

職累疏著直聲一麾樹初績官階歷蜀秦治譜光薇柏
自云欠文衡無由酬結習公意頗不忘予懷亦甚惑髫
歲游豫章讀書苦無癖至今賢師友索居長相憶源流
溯西江如公尤造極豈有造物心持此獨吝惜創局理
可推熟思義乃得天意固厚公奇人付奇格欲使歆羨
深藉爲推挽力台旌遍邊徼學校加培植豈惟士氣伸
儒吏承雕飾豈惟宦情娛輜軒邀輔翼締結文字緣振
拔孤寒迹才名達京師卿班行升陟春官及廷對待公
牛耳執弟子玉筍班孫曾皇華驛歷試尚未周默鑒若
難識區區而不昇蒼蒼者奚責斯言若可憑公其勉自

策

疊前韻謝方伯和作

公詩如畸入我無能爲役俘來奉琅函雲霞燦萬色典
麗醫俗塵哲匠啟策伯無怪秦蜀游一官成一集慚予
敗且奔遑云戎可卽奮迅敢再呼追讓甘三揖佳什固
雄奇虛懷仍謙飭如挹黃憲波非據戴憑席况聞賢者
風宜效懦夫立倘竟知難退胡能與道適枯腸旣九迴
曲踊復三百吐妍筆無花徵典笥無籍但以學步誠傾
此寸衷積豈以偏師陷援此全軍墨繭如園客繅珠仿
鮫人泣此意不在詩此情不能釋所難在知己箴言快

胸膈陳善與勵清示以品超特言責與官方誠以慎厥
職泛植勞張憲懷橘憐陸續似引寸草心勉效後彫柏
嚮學亦有時恐墮庸庸習身聽百無能志期三不惑縱
登信陵門終薄和嶠癖要非長者言無從生猛憶惟學
爲無窮惟欲不可極若復廢半途公惜亦自惜景仰古
詩人諷諭兩相得祇覺情投膠不必文合格何幸凡近
姿得此獎勸力公語極肫誠公意加培植隱以舊衣傳
勿任虛車飾譬如羽毛豐長之誰實翼椿庭趨過時回
首已陳迹珂里節義鄉縈懷曾登陟豫章耆舊多弟子
禮當執中年更遇公搢衣東江驛正軌宛在前坦途益

可識始知後學趨皆與大賢責重賦詩一章聊當書三策

三疊前韻答方伯

隨侍如驂靳無不從之役行館企瑤章疏櫺穿曙色材
官蹀躞來方伯真詩伯詩如龍虎吟字亦鳳鸞集轟轟
騷壇高何嘗不我卽三復氣縱橫秀峯遙拱揖象物罔
兩藏增華天吳飭語將新意翻韻羞餘慧席上言受國
恩屏藩矢樹立繼言家乘詳脊令情難適終言治此邦
遺黎益七百啟事公如濤窮途我似籍景行大君子厥
躬道所積政治課報最餘事咨文墨猶作慷慨歌幾使

鬼神泣矧屬困枝官重負何時釋幸一邁知音願再陳
肺膈射策到明光志趣頗挺特芸俸叨十年勤苦思居
職繡豸亦偶然乘驄乏顯績秋色森南臺霜風肅古柏
鐵石墓前賢脂韋非所習九衢馬蹴塵世情殊淆惑斗
室蠅篆涎予懷成痼癖青雲覓難登白雲苦相憶祿糈
遲北堂星斗祝南極大道阻且修愛日欣更惜卽今忝
司衡愚者始一得定省表陳情幸不爲例格陸賈檢歸
裝莊周稱大力所異懷新苗粟里勞培植頗類未朽木
杏壇加雕飾擊水三千程歸去乘風翼還家數浹旬愧
認題橋迹舞將綵助歡差勝祀空陟倘許奉板輿轡組

猶能執供得茅容雞賴茲鄭莊驛披拂感深情徧告舊
相識倡和多贅詞姑聽眾人責三疊唱陽關庸鴛受驅
策

館右鄰雙忠祠祀傅忠毅公馬文毅公敬弔以詩
國初三藩勢鼎沸惟平西王尤驕貴君門萬里兩臣悲
獨履艱難奮剛毅徙薪曲突首鋤奸拜疏翻憑守郡吏
命下滅死戍梧州當陽獨斷排廷議不幸言中賊披猖
投水未死卽天意全家百十甘駢誅義勇五千齊雪涕
梧潯恢復向滇黔不耗公家斗粟費苦口陰招孔四貞
孤衷誓滅吳三桂昨猶戍卒今將軍降人倒戈竟被繫

同時矯矯孰同心任子起家遼陽裔巡撫時未設標兵
家丁爲卒身爲帥蠟丸告變時已遲笏擊樓餘著書地
土室被幽歷四年大草臨池得奇致合門含笑待歸泉
恩受解衣恐污賜粵西先後大中丞慷慨從容心不二
狠生軀後軀生羅慕兩公名妄羅致罾其祖父舌劍鋌
老奸地下猶思避至今毅魄若往來貴陽城與廣福寺
獨念賊勢起燎原紛紛納款虧名義封疆殉節豈無人
難在九死身頻試笑他縞素爲紅顏反覆逆臣徒自斃
敕建雙忠祠一區馨香俎豆年年祭星軺瞻謁秋正寒
冰霜中起風雲氣

九月二十二日北旋

七千道路一鞭開
小駐南疆客又回
玉筍兩班山萬疊
輶軒卻不算空來

新孝廉郊餞

攜得秋光共出城
輿前桃李笑相迎
孫山外豈無佳士
祖道閒原有至情
小別隔年仍聚會
諸生立志副科名
三冬再養扶搖翮
莫信迂疏礙顯榮

靈川道中

靈川風色冷蘭茱
雨後波痕沒舊砵
照我去來塵俗影
大榕江接小榕江

至興安縣仍宿寄琴軒

兩度萍踪宿此軒
琴聲乍歇我忘言
孤身萬里常如寄
始悟蘭成愛小園

尖唐家市

歷歷回頭路還來
謁禹皇水深盆石活
秋晚草花香萬
物生安託重遊境
未忘明朝謝輿馬
夢已到瀟湘

過嘉樂亭

在興安
咸水開

郵舍新題落眼中
亭名恰與我名同
商山改驛憐陽子
安石爭墩慕謝公
奉使初行萬里路
庀人轉遞一櫺功
又添他日關懷處
夢向南天話雪鴻

贈全州牧陳杏南同年

紫洙

磐石寒泉地官清獨勵衷齊年心早契相士眼還同

解元

李生鵬年亦杏南上科所薦士

李白乘舟日陳遵投轄風秋宵杯酒意

話別惜恩恩

登舟

歸程仍是來時路纔挂風帆眼便新按粵例須更水驛
浮湘我得弔詞人輕舟狎浪重嘗險矮几抄詩不染塵
聞洞庭湖今始到遙持杯酒醉江神

泊黃沙河戲用五色字作

黃沙河見底淺處礙行舟石聚青鵝卵波翻綠鴨頭白

茅環岸遠紅樹背城秋稍覺塵勞解連宵客夢稠

泊零陵

九疑山外暮雲稠狹岸回帆住永州楚粵相交民極樸
歐蘇未到我還游捕蛇業賤家難給封象人來塚尚留
邑志借從寒夜讀風搖鐙穗覺殘秋

九月晦日雨

又送清秋去孤舟雨未停碎敲篷背響靜倚枕頭聽雁
唳雲陰渺龍眠水氣腥荒江何處泊漁火兩三星

檢裝多粵產藥材戲筆

參苓芝桂孰搜羅採藥荆蠻又一過活我豈求江水闊

贈人終勝嶺雲多誰從昏夜知楊震

閩中未取一物
粵人頗稱道之

肯爲歸裝倚趙陀指日家山尋舊迹更持鏡柄刷岩阿

夜泊

湘靈縹渺湘纍怨香草萋萋若有情帝子瑟傳虞代樂
宗臣書著楚人聲天生萬竹斑都涇地接三閭水獨清
只有空江一輪月素輝曾向古時傾

浮湘

澄波千里鏡奩開徹底空明不著埃閣櫓有時順流下
推篷無數好山來

九面衡山望不真羣峯各自出風塵看他孤立無依傍

酷肖人間耿介人

巖壑千重清氣合風雲百戰將才多山川鍾毓逢昭代
絕少靈均當哭歌

呼起騷人萬古魂深潭疑有百靈奔蛟龍也怕忠臣餒
角黍雖香不敢吞

浮家舟子慣遷延孤客鄉心五夜煎每到曉風殘月候
臥掀被角喚開船

櫓枝搖曳浪花中刻意長吟苦未工待到帆隨湘轉處
文心一掬鬥玲瓏

江心石齒暗遮攔篙刺山根避怒灘誰走橫風之字路

無帆轉覺我舟安

巴陵小泊舊沙洲連日羈縻阻石尤畢竟風神能選客
題詩今上岳陽樓

洞庭

澤涸初冬渡洞庭風烟猶覺畫冥冥名高海內因容水
勢接天邊欲浸星青草一湖何處隔碧湘萬派此閒停
夏秋聞說波濤闊只露君山頂上青

登岳陽樓

百尺樓高四望空乾坤日夜響西風洞庭水綠湖南北
江上峯青月正中三醉神仙人不識萬家憂樂我原同

壯游此亦平生最奇境真堪慰轉蓬

張松坪太守

德容

招飲出夢游衡嶽圖蓋未官岳

州以前所作爲題長句

不知回雁峯頭路夢境迷離畫境開宦蹟先從心上熟
名山忽到眼前來我於金石疎文字空向湘灘一溯洄
世事何真亦何幻相逢都莫費疑猜

弔黃新甫外舅

昔官岳
州太守

何處尋遺躅江濱暫駐鞍官階終五馬陳迹痛孤鸞
第三女前歲歿遺愛民猶憶專城蹟未殘甘棠尤護惜文教振
單寒

梅尉歸仙里嚴陵應客星識公頭已白對我眼常青論
政崇清簡吟詩養性靈郡齋一杯酒席散涕偷零

前至長沙鄉人招飲於賈太傅祠賦寄

長沙遷客有祠堂舊雨招邀酒一觴璀璨雞尊新祭器
慘淒鵬賦古文章楚臣同調悲湘水漢代奇才盛洛陽
遭際清時休太息各紆妙策應賢良

至嘉魚供給不以時至賦此自嘲

嘉魚江上萬家炊舟纜斜陽覺飯遲境到黃梁驚夢候
人如赤壁敗兵時今持蕩節猶艱食向說衡門可樂飢
仰給饋糧非易事歸耕一飽尚堪期

武昌謁翁玉甫中丞呼鐙送歸卽事有作

大府鐙來一市驚似將奇遇託書生
詞林故事誰能記曾撒金蓮寵夜行

王人位在諸侯上畢竟青藜肯借光
亦爲憐才亦勸學書聲明日滿江鄉

黃鶴樓

客舟重渡漢江邊遙望高樓境是仙
黃鶴幾時曾一至青蓮辭世忽千年
筆經擱後詩無敵笛待吹來曲不傳

惆悵劫灰飛已盡畫闌常倚夕陽天

樓於兵後重修

湘中大吏命一破船遠送至是遺歸

組練橫川艦列戈礮聲夜震楚江波洞庭莫倚平楊太
海船飛輪近更多

登蛇山望三山景爲昔年從軍處

一江劃斷僂句顧

對岸龜山

一山蜿蜒率然怒降輿奮袖陟

其巔遙望少時從軍處今日稻田昔戰場連營夾寨紛
無數耕夫拾得破刀槍款識模糊土花護舊夢如雲倏
廿年星輶又到此間駐衡文經武兩無成報稱有心休
再誤同時枕戈人最多或履雲霄或叩墓桓溫攀柳泣
沾襟我亦愴懷漢南樹

漢口送石峯同年入都

耐久同行役分途各轉家君歸還戀我水盡始登車氣
盛途無險交深敬有加臨歧堅後約春半到京華

乞假省母得請遂歸

君門尚隔三千里親壽剛逢七十年

鳳詔許償游子願烏私例得

聖朝憐稱觴計日冬醪熟舞綵臨風晝錦鮮重讀葩經
將母句古人四牡幾曾旋

黃陂田家

菜羹豆粥味偏肥難得秋成歲不饑挂樹風乾新稻草
遮窗雨溼舊蓑衣久經世故心都淡再讀農書願恐違

惜我家無田二頃蓬門翻喜暫時歸

發黃安

已入中州境方言尚楚鄉曉行愁晝短家近覺途長黨
塾催兒讀村醪迂客嘗桃源真世界誰識在光黃

途過新婚之門堅請至家意似以爲吉也

最好朱陳嫁娶圖還祈吉語暢妻孥使星僅有光分野
不及文昌氣似珠

望見家鄉諸山

數峯窺客意相關似惜輪蹄不早還遠遜桂林心更愛
爲他是我故鄉山

抵光州西河

心慕高堂路屢催城隅將至復徘徊郊迎果致同鄉敬
壁返將從閒道來簡畧愈徵風俗厚繁華常恐世家開
陰符換得蛇行態應笑蘇秦是下材

十一月初四日到家

錦衣還里算萊衣笑看全家見我歸尚帶去年慈母線
竟停此日使臣驂北堂喜氣舒萱草南海風光問棘闌
回望湘江多少路船脣馬背總如飛

親友酒食相招問予都中宦況及途次山水賦答
親友冰心比洛陽更番治具列壺觴舟車沿路空沽酒

近悟家鄉是醉鄉

宦况關心問不休
貧官生計拙於鳩
家傳清白新祠祀
能鍊飢寒卽進修

積薪資俸久詞林
報國文章愧已深
豸繡輝煌龍節遠
年年

特簡感綸音

詔許歸來奉母歡
衰親見我益平安
明年復

命春風裏又免冰
霜一路寒

桂林山水古稱奇
小住殊難盡見之
獨秀一峯臨試院
朝朝拄笏捲簾時

百粵山如高士狷三湘水比美人清南條頗笑中原莽
白嶽黃流相對橫

千巖萬壑總玲瓏晴雨烟雲各化工往返瀟湘雲夢路
果然楚國有雄風

能說山川可大夫吟情寂寞客心孤一編詩草留行篋
要引諸君入畫圖

客有以司馬題橋相况者因詠其事

駟馬高車氣未馴相如積習是才人鼓琴事雅供通語
賣賦金多耻耐貧不惜蛾眉雜傭保幸逢狗監作鄉鄰
只餘書引垂堂戒忠愛猶能作諫臣

家居卽事

倦鳥翻飛返故林，高堂漸覺鬢霜侵。
仲山家計貧無米，陸賈歸裝略有金。
菽水從新供子職，蘭陔依舊負初心。
板輿若肯京華去，祿米還堪潔釜鬻。

鸞膠續到第三絃，姊妹花開斷復連。

新娶爲前室黃宜人之妹百歲

光陰何迅速，半生婚宦太纏綿。
方聞帝子調清瑟，又爲天孫費聘錢。
行赴瑤京攜弄玉，本來蕭史是神仙。

華堂灑掃壽筵明，恰遇霜天疊放晴。
母屆七旬猶健飯，婦來三日正調羹。
通紅獸炭消寒夜，浮綠雞缸宴眾賓。
欲唱新詩助舞綵，又防字裏帶邊聲。

稍可求田踏近郊
敝廬昨亦葺衡茅
吐絲白縛蠶成繭
棲幕難安燕覓巢
薄有田園留退步
嬾從宦海說新交
匈奴未滅家先定
暮氣還愁惹客嘲

前番婦櫓載還鄉
弟亦頻年兩悼亡
鳳卜幾人吟白首
牛眠同日瘞黃腸
淵蘋根在悲南國
墓草春來盛北邙
妯娒重教逢地下
有兒各與祀馨香

周急何曾愜寸衷
萱堂翻喜俸錢空
義莊瞻族心難逮
宰粟分鄰力未豐
細錄前勞酬僕婢
兼推小惠及兒童
還家事事無虧缺
總在

天家雨露中

至商城爲內子葬母並至固始代營方果齋妹倩
葬事

婦葬夫女葬母巾幘含悲難措手婦有兒女有壻不敢
擔當誰代瘞兩棺未葬歷多年雪及牛日遲新阡兩地
相距百餘里曙後星孤痛無子各訴衷懷涕雨零我願
執紼來佳城一一馬鬣親踏勘始用蜃車次蜃炭漆鐙
木槨永埋塵越俎那顧旁人嗔禮成更看妻與妹麻衣
雖苦愁顏退

歲暮與笙堂弟飲酒

銜杯莫負今年臘分袂難忘去歲春小別竟行三萬里

隔年忽作再來人
雄懷漸覺江湖險
至味無如骨肉真
一介書生窮薄命
那堪長此逐風輪

閱海國圖志

誰曾訪勝仙
三島不畏占爻鬼
一車亦是離騷忠愛意
夜深痛飲讀奇書

小除日張綬珊駕部

蔭樞

自陝歸來訪卽送其還

商城

都從日下泛江湖
歸里何妨早晚殊
歲暮相逢潢水畔
夜談如見華山圖
一年好景惟今夕
百里鄉關是近途
爆竹聲中興影速
到家猶可飲屠蘇

除夕祭詩

偶循祀典列新篇何用黃金鑄假仙殘歲有情留客住
瘴鄉無恙賴神全昔人舉動堪千古舊夢迷離又六年
庚午除夕在都偕黃香谷祭詩座右客誰來配享狂奴醉倒燭花前

自題使粵集

炎天凍雨半年程排日吟哦課轉清作客頗能生靜趣
得詩方不算虛行蠻花犵鳥新風景澧芷沅蘭古性情
都被奚囊收拾得春來隨我上瑤京